



Вазирликнинг 2021 йил “ 3 ” *май* даги
208 -сон буйруғига 2-илова

**“Жаҳолатга қарши маърифат” мавзусида ўтказиладиган
“Энг яхши плакат” номинациясидаги танлов
НИЗОМИ**

I. Умумий қоидалар

1. Ўзбекистон Республикаси Олий ва ўрта махсус таълим вазирлиги томонидан 2020 йил 28 январда тасдиқланган “Олий ва ўрта махсус таълим вазирлиги тизимида маънавий-маърифий ишларнинг янги тизимини яратиш бўйича 2021 йил биринчи ярим йиллиги учун “Йўл харитаси”нинг 30-бандида белгиланган вазифалар ижросини таъминлаш мақсадида ташкил этилади.

2. “Жаҳолатга қарши маърифат” мавзусида ўтказиладиган “Энг яхши плакат” номинациясидаги танловда олий таълим муассасаларида тахсил олаётган талабалар ўзларининг ижодий ишлари билан иштирок этади.

3. Танлов “Энг яхши плакат” номинациясида ўтказилади.

4. Танловнинг олий таълим муассасаси босқичларини ташкил этиш ва ўтказиш жараёни олий таълим муассасалари Ёшлар масалалари ва маънавий-маърифий ишлар бўйича проректор ва бўлим бошлиғи томонидан амалга оширилади.

II. Танловнинг мақсади ва вазифалари

5. Танловнинг асосий мақсади – ёшлар ўртасида ижтимоий-сиёсий вазиятнинг барқарорлигини таъминлаш, уларни турли экстремистик оқимларга қўшилиб кетишининг олдини олиш, олий таълим муассасаларида ёшларни дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш, ёшларимизни ҳар томонлама соғлом ва баркамол этиб тарбиялаш, ўз иқтидорларни намоёништириш этишлари учун шарт-шароитлар яратиш ҳамда мустақил ва эркин фикрга эга истеъдодли ёшларни қўллаб-қувватлашдан иборат.

6. Танловнинг вазифалари қуйидагилардан иборат:

ёшлар ўртасида ижтимоий-сиёсий вазиятнинг барқарорлигини таъминлаш, уларни турли экстремистик оқимларга қўшилиб кетишининг олдини олиш;

олий таълим муассасаларида ёшларни дунёвийлик, ватанпарварлик руҳида тарбиялашга қаратилган амалий чора-тадбирлар ва маънавий-маърифий ишларнинг таъсирчанлигини ошириш;

ёшларимизни ҳар томонлама соғлом ва баркамол этиб тарбиялаш, ўз иқтидорларни намоёништириш этишлари учун шарт-шароитлар яратиш ҳамда мустақил ва эркин фикрга эга истеъдодли ёшларни ҳар томонлама ривожлантириш;

ёшларда ёт таъсирларга қарши мустаҳкам иммунитетни шакллантириш;

чора-тадбирлар дастурининг мазмун-моҳияти тарғиботи таъсирчанлигини ошириш;

ёш авлодни ҳар томонлама етук, юксак маънавиятли, интеллектуал салоҳиятли, ота-онасига, Ватанига садоқатли инсонлар қилиб тарбиялаш;

“Жаҳолатга қарши маърифат” мавзусидаги талабаларнинг ижодий ишларини кенг жамоатчиликка етказиш.

III. Танловни ўтказиш босқичи ва муддатлари

7. “Жаҳолатга қарши маърифат” мавзусида ўтказиладиган “Энг яхши плакат” номинациясидаги танлов икки босқичда ўтказилади.

Биринчи босқич - олий таълим муассасаси микёсида факультетлараро май ойининг иккинчи ўн кунлигида ўтказилади.

Иккинчи босқич (якуний) – республикадаги барча олий таълим муассасалари ғолиблари ўртасида жорий йил июнь ойида ўтказилади.

IV. Танловни ташкил этиш ва ўтказиш

8. Танловнинг биринчи босқичини ўтказиш бўйича олий таълим муассасаси ректори буйруғи билан Ташкилий қўмита ва соҳа профессор-ўқитувчилари, олимлари, мутахассислари, жамоат ташкилотлари вакилларида иборат таркибда Ҳакамлар ҳайъати тузилади.

9. Талабалар томонидан йўналишлар бўйича тайёрланган ижодий ишлар факультетлар ва ОТМ кесимида тузилган Ҳакамлар ҳайъати томонидан танлов шартлари ва мезонлари асосида баҳоланади.

10. Танловнинг иккинчи босқични ташкил этиш ва ўтказиш Олий ва ўрта махсус таълим вазирлиги қошида ташкил этилган ташкилий қўмита томонидан амалга оширилади. Танловнинг якуний босқичи ғолибларини аниқлаш бўйича Ҳакамлар ҳайъати тузилади. Ҳайъат таркибига соҳа бўйича етук мутахассислар жалб этилади.

V. Танлов шартлари ва баҳолаш мезонлари

11. Танловга тақдим этиладиган плакатлар қуйидаги мезонларда баҳоланади: танлов мавзусининг мазмун-моҳияти тўлақонли очиб берилганлиги; ўзига хослик, образлилик, ҳиссийлик, ифодавийлик даражаси; янгича ёндашувлар, мустақил фикрлар ва ижодкорлик хусусиятлари ифода этилганлиги; плакатда ҳаётий мисоллардан кенг фойдаланилганлиги ва менталитетимизга мос манбаларнинг ёритилганлиги;

12. Тақдим этиладиган плакатлар А1, А2 ва А3 ҳажмда бўлиши мумкин.

13. Ҳар бир мезон 10 баллик тизим асосида баҳоланади (жами 40 балл).

VI. Ҳужжатларни тақдим этиш тартиби

14. Олий таълим муассасаларида ғолиб бўлган, 1- ва 2-ўринни эгаллаган талабаларнинг ҳужжатлари (*ОТМ Ташкилий қўмитаси баённомаси ва қарори, ғолиб бўлган талабанинг ижодий материаллари ва 10x15 ҳажмдаги фотосурати*)ни Республика Ташкилий қўмитасига жорий йилнинг 25 майига қадар тақдим этилади. Ижодий ишлар электрон почта орқали қабул қилинмайди.

15. Танловга тақдим этиладиган плакат (рангли ёки оқ қора, деворга осиладиган тарғибот матни ёки расми туширилган сурат)лар А1, А2 ва А3 гача ҳажмда, кўриниши ва матни яхлит, диққатни тортадиган, ахборот, реклама, тарғибот-ташвиқот ва услубий-методик ўқув жараёнини ўз ичига қамраб олган бўлиши керак. Плакатлар қўлда чизилган, фотосурат, банер ёки босма кўринишида қабул қилинади. Плакатни тайёрлашда турли инновацион-амалий услублардан фойдаланиш мумкин. Плакат мавзулари: ахборот, реклама, тарғибот ва ташвиқот, услубий-методик ўқув жараёнини ўз ичига қамраб олади.

16. Юқоридаги талабларга жавоб бермайдиган ижодий ишлар қабул қилинмайди. Муаллифлик ҳуқуқи бузилишига йўл қўйилмайди. Плагиат ҳолати аниқланганда иш танловдан четлатилади.

VII. Танлов ғолибларини тақдирлаш

17. Танловнинг биринчи босқичида юқори (1, 2, 3) ўринларни эгаллаган талабалар олий таълим муассасалари томонидан махсус диплом ва қимматбаҳо совғалар, шунингдек, танловда фаол иштирок этган талабалар олий таълим муассасасининг фахрий ёрлиқлари билан тақдирланади. Юқори (1, 2, 3) ўринларни эгаллаган талабаларнинг ижодий ишлари олий таълим муассасасининг ижтимоий тармоқлардаги расмий саҳифаларида ёритилади.

18. Танловнинг Республика босқичида ғолиб бўлган талабалар қуйидаги тартибда пул маблағлари ва Олий ва ўрта махсус таълим вазирлигининг дипломлари билан рағбатлантирилади:

“Жаҳолатга қарши маърифат” мавзусида ўтказиладиган “Энг яхши плакат” номинацияларидаги ижодий ишлар:

1-ўрин – 3 000 000 (уч миллион) сўм;

2-ўрин – 2 000 000 (икки миллион) сўм;

3-ўрин – 1 000 000 (бир миллион) сўм.

Шунингдек, Танловнинг ҳар бир йўналиши бўйича Республика босқичида юқори балл тўплаган талабалар Олий ва ўрта махсус таълим вазирлигининг фахрий ёрлиғи билан тақдирланади. Талабаларнинг энг сара ижодий ишлари олий таълим муассасаси ижтимоий тармоқлардаги расмий саҳифаларида ёритилади.